


ЭРЭГТЭЙ, ЭМЭГТЭЙ ХҮНИЙ ДУНДАЖ НАСЛАЛТЫН ЗӨРҮҮГ БАГАСГАХ ТАЛААР АВЧ ХЭРЭГЖҮҮЛЭХ АРГА ХЭМЖЭЭНИЙ ТӨЛӨВЛӨГӨӨ (2024-2027)



ННА 65.27
ДАА 351.84
Э-82

© Жендэрийн Үндэсний Хороо

Хаяг / Байршил: Монгол Улс, Улаанбаатар 14200-0063,
Сүхбаатар дүүрэг, 6-р хороо, Нэгдсэн Үндэстний гудамж-20,
Жендэрийн үндэсний хорооны байр

Утас: (976) 70071116

И-мэйл: secretariat@ncge.gov.mn

Вэб сайт: <http://www.ncge.gov.mn>

“BGM” хэвлэх үйлдвэрт хэвлэв.
Улаанбаатар хот, 2024 он

ISBN: 978-9919-0-3245-6



ГАРЧИГ

Өмнөх үг	2
Танилцуулга	6
Монгол Улсын Засгийн газрын хуралдааны тэмдэглэл	10
Монгол Улсын Ерөнхий сайдын захирамж	11
Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө (2024-2027)	12

ӨМНӨХ ҮГ

Даян дэлхийн улс орнууд Нэгдсэн Үндэстний Байгууллагын Ерөнхий Ассемблейн чуулганаар “Тогтвортой хөгжил-2030” хөтөлбөрийг батлахдаа “Жендэрийн тэгш байдлыг хангах” зорилгыг дэвшүүлж хөгжлөөс хэнийг ч орхигдуулахгүй байх зарчмыг бүрэн дүүрэн хэрэгжүүлэхээр үүрэг хүлээсэн билээ.

Монгол Улс эрэгтэй, эмэгтэй хүмүүсийн дундаж наслалтын зөрүүтэй байдлаараа дэлхийд 12-т ордог (Дэлхийн банк 2020). Энэ зөрүү 1994 онд 4.6 жил байсан бол 2022 онд 9.4 жил болж нэмэгдсэн ба дундаж наслалтын хүйсийн зөрүү урт хугацаандаа нэмэгдсээр байна¹.

Эрэгтэйчүүдийн чанартай урт наслалтыг дэмжих, гэр бүл бүр элэг бүтэн эрүүл, жаргалтай амьдрах алсын харааны хүрээнд 2020 онд “Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө”-г анх удаа боловсруулан 2 жилийн хугацаанд хэрэгжүүлсний мөрөөр олон нийтийн ойлголт, мэдлэгийг нэмэгдүүлж улмаар төрийн бодлогын түвшинд үргэлжлүүлэн хэрэгжүүлэх шаардлагатайг төлөвлөгөөний хэрэгжилтэд хийсэн үнэлгээ харуулсан болно.

Энэхүү төлөвлөгөөг 4 жилийн хугацаанд хэрэгжүүлснээр эрэгтэй, эмэгтэй хүний дундаж наслалтын зөрүүг багасгахад ахиц гаргах, эрүүл мэндийн урьдчилан сэргийлэх үзлэгт хамрагдах хандлага, дадлыг хэвшүүлэх, эрэгтэйчүүдийн гэнэтийн, зуурдын шалтгаант нас баралтыг бууруулах болон төрийн зарим чиг үүргийг гүйцэтгэж буй төрийн бус байгууллагуудын чадавхыг нэмэгдүүлэхэд хувь нэмэр оруулна.

Төлөвлөгөөг боловсруулахад хамтран ажилласан Ажлын хэсгийн гишүүддээ талархал илэрхийлье.

¹Эх сурвалж: Эрүүл мэндийн хөгжлийн төв, ДЭМБ, 2022 он

Төлөвлөгөө боловсруулсан:

Т.Энхбаяр	Жендэрийн үндэсний хорооны Нарийн бичгийн дарга бөгөөд Ажлын албаны дарга;
С.Батцэцэг	Жендэрийн үндэсний хорооны Ажлын албаны Тогтвортой хөгжлийн бодлогын хэлтсийн дарга, Ажлын хэсгийн ахлагч;
Д.Батхишиг	Жендэрийн үндэсний хорооны Ажлын албаны Эрэгтэйчүүдийн хөгжлийн асуудал хариуцсан мэргэжилтэн, Ажлын хэсгийн нарийн бичгийн дарга;
А.Амарбал	Нийслэлийн бодлогын судалгаа, шинжилгээний төвийн нийгэм, эдийн засгийн судалгааны газрын захирал;
Б.Эрдэнэ-Очир	Дэлхийн банкны Монгол дахь суурин төлөөлөгчийн газрын Ахлах мэргэжилтэн;

Ажлын хэсгийн гишүүд:

Б.Мөнхбаяр	Хууль зүй, дотоод хэргийн яамны Хяналт-шинжилгээ, үнэлгээ, дотоод аудитын газрын дарга;
Г.Отгонбаяр	Сангийн яамны Санхүүгийн хяналт, эрсдэлийн удирдлагын газрын Дотоод аудит, хяналт-шинжилгээ, үнэлгээний хэлтсийн дарга;
Б.Отгонцэцэг	Боловсрол, шинжлэх ухааны яамны Төрийн захиргааны удирдлагын газрын дарга;
Г.Батбаяр	Уул уурхай, хүнд үйлдвэрийн яамны Төрийн захиргааны удирдлагын газрын дарга;
А.Хишигбаяр	Хөдөлмөр, нийгмийн хамгааллын яамны Бодлого төлөвлөлтийн газрын дарга;

Н.Баярмаа	Хөдөлмөр, нийгмийн хамгааллын яамны Гэр бүлийн бодлогын хэрэгжилтийг зохицуулах газрын дарга;
Х.Сүрэнхорол	Цахим хөгжил, харилцаа холбооны яамны Бодлого төлөвлөлтийн газрын дарга;
Ж.Хичээнгүй Ц.Гансүх	Эрчим хүчний яамны Төрийн захиргааны удирдлагын газрын дарга; Барилга, хот байгуулалтын яамны Төрийн захиргааны удирдлагын газрын даргын албан үүргийг түр орлон гүйцэтгэгч;
С.Мяндасмаа Г.Ганхуяг	Зам тээврийн хөгжлийн яамны Хуулийн хэлтсийн дарга; Эрүүл мэндийн яамны Нийтийн эрүүл мэндийн газрын Халдварт бус өвчний хэлтсийн дарга;
С.Батцэцэг	Соёлын яамны Хууль эрх зүйн хэлтсийн даргын албан үүргийг түр орлон гүйцэтгэгч;
Д.Содномдаржаа	Батлан хамгаалах яамны Төрийн захиргаа, удирдлагын газрын хүний нөөцийн ахлах шинжээч;
Г.Наранцэцэг	Хүнс, хөдөө аж ахуй, хөнгөн үйлдвэрийн яамны Төрийн захиргааны удирдлагын газрын шинжээч;
Б.Нинж Н.Должинсүрэн О.Баасан	Эрүүл мэндийн яамны Бодлого төлөвлөлтийн газрын ахлах шинжээч; Үндэсний статистикийн хорооны Нийгмийн статистикийн ахлах статистикч; Биеийн тамир, спортын улсын хорооны Биеийн тамирын бодлогын хэрэгжилтийн хэлтсийн дарга;
Т.Ихтамир	Хүүхэд, гэр бүлийн хөгжил, хамгааллын ерөнхий газрын даргын албан үүргийг түр орлон гүйцэтгэгч
Г.Мөнхнасан	Хүүхэд, гэр бүлийн хөгжил хамгааллын ерөнхий газрын Хүүхдийн эрхийн хэрэгжилтийн газрын дарга;

Н.Алтанзул	Сэтгэцийн эрүүл мэндийн үндэсний төвийн Сэтгэц-Нийгмийн эрүүл мэнд хариуцсан дэд захирал;
П.Болормаа	Цагдаагийн ерөнхий газрын Урьдчилан сэргийлэх, гэр бүлийн хүчирхийлэл, хүүхдийн эсрэг гэмт хэрэг, зөрчлөөс урьдчилан сэргийлэх хэлтсийн дарга, цагдаагийн хурандаа;
Б.Очирбат	Цагдаагийн ерөнхий газрын Тээврийн цагдаагийн албаны Урьдчилан сэргийлэх хэлтсийн дарга, цагдаагийн дэд хурандаа;
С.Гэрэлмаа	Нийгмийн эрүүл мэндийн үндэсний төвийн Эрүүл мэндийг дэмжих мэдээллийн албаны дарга;
Ж.Гантулга	Сэтгэцийн эрүүл мэндийн үндэсний төвийн Эрүүл мэндийн албаны мэргэжилтэн;
Д.Оюунгэрэл	Нийслэлийн Засаг даргын тамгын газрын Нийгмийн бодлогын хэлтсийн ахлах мэргэжилтэн;
М.Амартунгалаг	Монголын эрэгтэйчүүдийн холбоо төрийн бус байгууллагын гүйцэтгэх захирал;
Ж.Цогтсугар	“Монголын эрэгтэйчүүдийн хөгжлийн нийгэмлэг” төрийн бус байгууллагын тэргүүн;
Б.Жавхлан	“Зөв эрчүүд” төрийн бус байгууллагын Гүйцэтгэх захирал;
Ж.Бумнанжид	“Монгол цэргийн нэгдсэн холбоо” төрийн бус байгууллагын Хуулийн зөвлөх;
Л.Баянмөнх	Орон гэргүй тэнэмэл иргэдийг нийгэмшүүлэх “Өлзийт асар” төрийн бус байгууллагын захирал.

ТАНИЛЦУУЛГА

Хууль, эрх зүйн үндэслэл шаардлага: Олон улсын хөгжлийн зорилт, Монгол Улсын хууль тогтоомж, “Алсын хараа-2050” урт хугацааны хөгжлийн бодлого, Засгийн газрын 2020-2024 оны үйл ажиллагааны хөтөлбөр, Жендэрийн эрх тэгш байдлыг хангах салбар дундын стратеги төлөвлөгөө (2022-2031)-нд “улс төр, эрх зүй, эдийн засаг, нийгэм, соёлын ба гэр бүлийн харилцаанд жендэрийн эрх тэгш байдлыг хангах нөхцөл бүрдүүлэх”, “жендэрийн тэгш бус байдлын зөрүүг багасгах”, “эрэгтэй, эмэгтэй хүний тэгш эрхийг хангах тусгай арга хэмжээ хэрэгжүүлэх”, “Эрүүл дадал хэвшилтэй, идэвхтэй амьдралын хэв маягтай иргэнийг төлөвшүүлэн эрүүл мэндийн чанар, хүртээмж, үр дүнтэй тогтолцоог хөгжүүлэх”, “Эрүүл идэвхтэй амьдрах тэгш боломж бүрдүүлж, эмэгтэй, эрэгтэй хүмүүсийн дундаж наслалтын зөрүүг багасгах” талаар тусгасан.

Түүнчлэн Монгол Улсын Засгийн газрын 2023 оны 03 дугаар сарын 07-ны өдрийн хуралдааны тэмдэглэл болон Жендэрийн үндэсний хорооны 2023 оны 04 дүгээр тогтоолд “Хүн амыг өвчнөөс урьдчилан сэргийлэх, эрт илрүүлэх үзлэг, шинжилгээ, оношилгоонд хамруулах арга хэмжээнд эрэгтэйчүүдийг идэвхтэй бүрэн хамруулж, тэдний амьдралын хэв маягийг зөв хандлагад чиглүүлэх үйл ажиллагааг эмэгтэйчүүдийн манлайлал, оролцоонд тулгуурлан зохион байгуулах ажлын тусгайлсан төлөвлөгөө гаргаж ажиллах”, “Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө” (2020-2022)-ний эцсийн тайланг үнэлгээний хамт Засгийн газарт хүргүүлэх, тус асуудлаар цаашид авах арга хэмжээний талаар холбогдох баримт бичгийг боловсруулж, батлуулах ажлыг зохион байгуулах” талаар Жендэрийн үндэсний хорооны Ажлын албанд даалгасан.

Дээрх хууль, бодлого, хөтөлбөр, эрх зүйн баримт бичгийг үндэслэн “Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө” (2024-2027)-г боловсрууллаа.

Практик шаардлага, хэрэгцээ: Монгол Улсын эрэгтэй, эмэгтэй хүмүүсийн дундаж наслалтын зөрүүтэй байдлаараа дэлхийд 12-т ордог (Дэлхийн банк 2020). Энэ зөрүү 1965 онд 2.3 жил байсан бол 2022 онд 9.4 жил болж нэмэгдсэн ба дундаж наслалтын хүйсийн зөрүү урт хугацаандаа нэмэгдсээр байна¹.

2018 оны байдлаар Монгол Улсад эрэгтэйчүүдийн нас баралтын дөрөвний гурваас илүү хувийг өвчлөл эзэлж байна. Түүнчлэн эрэгтэй, эмэгтэй хүмүүсийн аль аль нь зүрх судас, хорт хавдраар зонхилон өвчилдөг ч эрэгтэй, хүйсийн хувьд адилгүй байдаг. Эрэгтэйчүүд эмэгтэйчүүдээс илүү зүрх судасны өвчнөөр эрт буюу 45 наснаас эхлэн нас барах түвшин нэмэгддэг бол эмэгтэйчүүдийн хувьд 75-аас дээш наснаас энэ төрлийн өвчнөөр нас барах түвшин дээд цэгтээ хүрдэг. Түүнчлэн эрэгтэй, эмэгтэй хүмүүс гуурсан хоолой, уушигны хорт хавдрын улмаас нас барж байгаагийн 78 хувь нь эрэгтэйчүүд байна.

Эрэгтэй, эмэгтэй хүний дундаж наслалтын зөрүү нь эрэгтэйчүүд эмнэлгийн байгууллагад хандах хандлага эмэгтэйчүүдийг бодвол бага байгаа нь халдварт бус өвчнөөс урьдчилан сэргийлэх, оношлох, эмчлэх ажилд бэрхшээл учруулж байна. Тухайлбал, дөрвөн бүс нутагт явуулсан судалгаанд оролцсон нийт эрчүүдийн 59 хувь нь өвчтэй үедээ л эмнэлгийн тусламж авдаг 20 хувь нь хэзээ ч эмчид үзүүлж байгаагүй гэсэн байна (Дэлхийн банк 2020). Түүнчлэн амбулаториор үйлчлүүлж байгаа эрэгтэйчүүдийн тоо эмэгтэйчүүдийнхээс 1.5 дахин бага байна.

Эрэгтэйчүүд эрүүл мэндийн тусламж үйлчилгээ авах дургүй байдаг нь тусламж эрэлхийлэхийг эмэгтэйлэг шинж гэх нийгмийн хэм хэмжээтэй холбоотой. Иймээс өвчнөөс урьдчилан сэргийлэх, эрт илрүүлэг, эмчилгээ үйлчилгээг жендэрийн мэдрэмжтэй болгох нь Монгол Улсын эрэгтэй, эмэгтэй хүний дундаж наслалтын зөрүүг бууруулах зорилго үйл ажиллагаанд чухал тулгуур байх болно.

¹Эх сурвалж: Эрүүл мэндийн хөгжлийн төв, ДЭМБ, 2022 он

Өвчлөл, эмнэлгийн тусламж үйлчилгээнээс гадна эрэгтэйчүүд осол, амиа хорлолт, бусдын гарт амиа алдаж нас барах магадлал эмэгтэйчүүдээс илүү байдаг. 2018 онд үйлдвэрлэлийн ослын улмаас нийт нас барсан хүний 85 хувь, амиа хорлолтын 81 хувь, бусдын гарт нас барсан хүний 79 хувь, зам тээврийн ослын 74 хувь нь эрэгтэйчүүд байна². Энэ байдал ялангуяа залуу эрэгтэйчүүдэд илүүтэй байгаа нь анхаарал татаж байна. 30-аас доош насны эрэгтэйчүүдийн нас баралтын тэргүүлэх шалтгаан нь амиа хорлолт, зам тээврийн осол юм.

Жендэрийн үндэсний хороо нь Үндэсний Статистикийн хороотой хамтран 2019-2020 онд Монгол эрэгтэй хүний дундаж наслалт, амьдралын чанарт нөлөөлж буй нийгэм, эдийн засаг, соёл, зан үйлийн шалтгааныг илрүүлэх суурь судалгааг хийж, уг судалгаанд үндэслэн Монгол Улсын Ерөнхий сайдын 2020 оны 99 дүгээр захирамжаар “Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө” (2020-2022)-г батлуулж, салбар дундын хамтын ажиллагааны оролцоотойгоор хэрэгжилтийг хариуцаж ажилласан бөгөөд тус төлөвлөгөөний хэрэгжилт 60 орчим хувьтай, үр дүнгийн хувьд төдийлөн хангалтгүй байна.

Цаашид эрэгтэйчүүд бага насалж байгаа зонхилох шалтгаануудад нөлөөлж байгаа хүчин зүйлсийг оновчтой тогтоож, учир шалтгааныг хамтын оролцоотойгоор шийдвэрлэх, тэр дундаа гэр бүл, эмэгтэйчүүдийн зохистой оролцоо, нөлөөллийг бий болгоход анхаарах хэрэгтэй байна.

Төлөвлөгөөний зорилго, зохицуулах харилцаа, үр нөлөө: Жендэрийн үндэсний хорооны Ажлын албаны даргын 2023 оны 12 дугаар сарын 14-ний өдөр 34 тоот тушаалаар эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний дараагийн шатны салбар дундын төлөвлөгөөг боловсруулах чиг үүрэг бүхий төрийн, төрийн бус байгууллагуудын төлөөллөөс бүрдсэн салбар дундын Ажлын

²Эх сурвалж: Эрүүл мэндийн хөгжлийн төвийн мэдээг ашиглан Дэлхийн банк 2019 он

хэсгийг байгуулж ажиллалаа.

“Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө” нь 2024 оноос 2027 он дуустал 4 жилийн хугацаанд хэрэгжих бөгөөд 4 зорилт, 36 үйл ажиллагаатай.

Энэхүү төлөвлөгөө хэрэгжснээр НҮБ-ын Ерөнхий ассамблейн “Тогтвортой хөгжлийн зорилго-2030” хөтөлбөрийн жендэрийн тэгш байдлыг хангах, хэнийг ч орхигдуулахгүй байх зарчим, Монгол Улсын “Алсын хараа-2050” бодлогын баримт бичгийн жендэрийн тэгш бус байдлын зөрүүг багасгах зорилт, хөгжлийн зорилтот хөтөлбөрүүд, Монгол Улсын Засгийн газрын 2020-2024 оны үйл ажиллагааны хөтөлбөр болон салбар, орон нутгийн тухайлсан бодлого, төлөвлөлтийн хэрэгжилтийг дэмжих, үндэсний түвшинд бодлогын уялдааг хангах бодит нөхцөл бүрдэнэ.

---oOo---

**МОНГОЛ УЛСЫН
ЗАСГИЙН ГАЗРЫН ХУРАЛДААНЫ
ТЭМДЭГЛЭЛЭЭС**

ЖЕНДЭРИЙН ҮНДЭСНИЙ ХОРООНД

Монгол Улсын Засгийн газрын 2024 оны 05 дугаар сарын 08-ны өдрийн хуралдааны 18 дугаар тэмдэглэлд:

“19.3. “Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө (2024-2027)”-ний талаар Монгол Улсын сайд, Засгийн газрын Хэрэг эрхлэх газрын дарга Д.Амарбаясгалан Засгийн газрын гишүүдэд танилцуулав. Үүнтэй холбогдуулан:

1.“Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө (2024-2027)”-г Монгол Улсын Ерөнхий сайдын захирамжаар батлахаар тогтов;

2.Уг төлөвлөгөөнд туссан үйл ажиллагааг эрхэлсэн салбар, харьяалах нутаг дэвсгэрийн хүрээнд хэрэгжилтийг зохион байгуулах, шаардагдах зардлыг улсын болон орон нутгийн төсөв, гадаадын зээл, тусламжийн хүрээнд шийдвэрлэж ажиллахыг Засгийн газрын гишүүд, аймаг, нийслэлийн Засаг дарга, төрийн холбогдох байгууллагын төсвийн шууд захирагч нарт даалгав.” гэжээ.



ЗАСГИЙН ГАЗРЫН ХЭРЭГ ЭРХЛЭХ ГАЗАР



МОНГОЛ УЛСЫН ЕРӨНХИЙ САЙДЫН ЗАХИРАМЖ

2024 оны 05 сарын 14 өдөр

Дугаар: 71

Улаанбаатар хот

Г Төлөвлөгөө батлах тухай Г

1."Эрэгтэй, эмэгтэй хүний дундаж наслалтын зөрүүг багасгах талаар авч хэрэгжүүлэх арга хэмжээний төлөвлөгөө (2024-2027)"-г хавсралт ёсоор баталсугай.

2. Төлөвлөгөөг улсын хэмжээнд хэрэгжүүлэх ажлыг нэгдсэн удирдлага, арга зүйгээр хангаж, төрийн болон төрийн бус байгууллага, олон улсын байгууллага, хувийн хэвшил, иргэдийн оролцоо, санал санаачилгыг дэмжин ажиллаж, төлөвлөгөөний хэрэгжилт, үр дүн, зорилтот түвшний үзүүлэлтэд 2026 онд зохих журмын дагуу хяналт-шинжилгээ, үнэлгээ хийлгэж, дүнг танилцуулахыг Жендэрийн үндэсний хорооны Ажлын алба (Т.Энхбаяр)-нд даалгасугай.

МОНГОЛ УЛСЫН ЕРӨНХИЙ САЙД

Л.ОЮУН-ЭРДЭНЭ

Ерөнхий сайдын 2024 оны 05 дугаар сарын 14-ний өдрийн 71 дүгээр захирамжийн хавсралт

ЭРЭГТЭЙ, ЭМЭГТЭЙ ХҮНИЙ ДУНДАЖ НАСЛАЛТЫН ЗӨРҮҮГ БАГАСГАХ ТАЛААР АВЧ ХЭРЭГЖҮҮЛЭХ АРГА ХЭМЖЭЭНИЙ ТӨЛӨВЛӨГӨӨ (2024-2027)

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
ЗОРИЛТ 1. ХӨВГҮҮД, ЭРЭГТЭЙЧҮҮДИЙН ЭРҮҮЛ ЗАН ҮЙЛ, АМЬДРАЛЫН ЗӨВ ДАДАЛ ХЭВШЛИЙГ САЙЖРУУЛАХ ЗАМААР ЧАНАРТАЙ, УРТ НАСЛАЛТЫГ ДЭМЖИХ										
1.	Хөвгүүд, эрэгтэйчүүдийн эрүүл зан үйл, амьдралын зөв дадал хэвшлийг сайжруулах замаар чанартай, урт насралтыг дэмжих	Эрэгтэйчүүдийн нас баралтын зонхилох шалтгаан, дүнд эзлэх хувь	32	30	31.5	31	30.5	30	Холбогдох төрийн байгууллагууд	Холбогдох төр, төрийн бус, аж ахуйн нэгж, байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
1.1	Бүх түвшний боловсролын сургалтын хөтөлбөрт (БЕХ-ийн 14.4.2, 14.4.3 заасан) “Эрүүл зан үйл, амьдралын зөв дадал хэвшил” сэдвээр бие даасан агуулга оруулж, нэвтрүүлэх	Бие даасан агуулгаар суралцагчдын хувь	0	100	20	40	60	100	Боловсрол, шинжлэх ухааны яам	Бүх түвшний боловсролын байгууллага
1.2	0-17 насны хүүхэдтэй эцэг, эх, асран хамгаалагч нарт чиглэсэн эрэгтэй, эмэгтэй хүүхдийн эрүүл өсөж, бойжих эрхийг хангах, энэ талаарх ойлголт, мэдлэгийг дээшлүүлэхэд чиглэсэн зорилтот арга хэмжээ зохион байгуулах	Зорилтот арга хэмжээний тоо, хамрагдсан эцэг, эхийн хувь	0	100	10	40	80	100	Боловсрол, шинжлэх ухааны яам, Хөдөлмөр, нийгмийн хамгааллын яам	Төрийн бус байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Сурь түвшин	Зорилгот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
1.3	0-12 насны хүүхэдтэй эцэг, эх, өрх толгойлсон эцэг/эхийн гэр бүлдээ зарцуулах цагийг уртасгах боломжийг байгууллага, аж ахуйн нэгжийн түвшинд бүрдүүлэх, сайн туршлагыг сурталчлах	Ажлын цагт уян хатан бодлого хэрэгжүүлсэн байгууллага, нийт аж ахуйн нэгж байгууллагын эзлэх хувь	0	25	10	15	20	25	Хөдөлмөр, нийгмийн хамгааллын яам, Жендэрийн үндэсний хороо	Төр, төрийн бус, аж ахуйн нэгж, байгууллагууд
1.4	“Стрессгүй ажлын орчин”, “Стрессгүй өрх, гэр бүл” зэрэг аян өрнүүлэх замаар сэтгэцийн эрүүл мэндийн талаарх ойлголт, мэдлэг түгээх, стрессийг даван туулах, амиа егүүтгэхээс урьдчилан сэргийлэх чиглэлийн сургалт, зөвлөгөө өгөх	Аймаг, дүүрэг бүрд зохион байгуулсан үйл ажиллагааны тоо, жил бүрээр	0	30	10	20	30	30	Эрүүл мэндийн яам, Сэтгэцийн эрүүл мэндийн үндэсний төв	Хөдөлмөрийн аюулгүй байдал, эрүүл мэндийн төв, Хүүхэд, гэр бүлийн хөгжил, хамгааллын ерөнхий газар, төрийн бус байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Сурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
1.5	Эрүүл зан үйл, амьдралын зөв дадал хэвшлийг төлөвшүүлэх, архи, тамхи, мансууруулах бодисын хэрэглээнээс татгалзахыг уриалсан тайз, дэлгэцийн уран бүтээл захиалж хийлгэх, дэмжлэг үзүүлэх	Уран бүтээлийн тоо	0	4	1	2	3	4	Соёлын яам	Мэргэжлийн урлагийн байгууллагууд
1.6	Эрэгтэйчүүдийн сонирхлоор нэгдсэн клуб, спортын төрлөөр дамжуулан эрүүл идэвхтэй амьдралын хэв маягийг сурталчлах, зөвлөгөө өгөх, зөв үлгэр дуурайлал үзүүлж буй бүлэг, клубийг дэмжих, сурталчлах	Аймаг, дүүрэг бүрд зохион байгуулсан үйл ажиллагааны тоо, жил бүрээр	0	30	10	20	30	30	Биеийн тамир, спортын улсын хороо	Төр, төрийн бус, аж ахуйн нэгж, байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилгот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
1.7	“Эрүүл зан үйл, амьдралын зөв дадал хэвшил”, “Архи, тамхи, мансууруулах бодисын хэрэглээг бууруулах”, “Авто ослоос сэргийлэх, бууруулах” чиглэлээр шилдэг нийтлэл, нэвтрүүлгийг жил бүр шалгаруулж урамшуулах	Жил бүр гаргасан нийтлэл, нэвтрүүлгийн тоо	0	16	4	8	12	16	Сэтгүүлчдийн нэгдсэн эвлэл, Монголын хэвлэлийн хүрээлэн, Хэвлэл мэдээллийн зөвлөл болон хэвлэл мэдээллийн байгууллагууд	Төрийн бус, аж ахуйн нэгж, олон улсын байгууллагууд
1.8	Байгууллагын хөдөлмөрийн дотоод журамд албан хаагчдыг эрүүл мэндийн урьдчилан сэргийлэх үзлэгт хамруулах ажлыг жил бүр зохион байгуулахаар тусгаж, эрэгтэй албан хаагчдын хамрагдал, оролцсон байдалд тусгайлан анхаарах, сайн туршлагыг түгээх	Урьдчилан сэргийлэх үзлэгт хамруулахыг төлөвлөсөн, хэрэгжүүлсэн байгууллагын хувь	0	30	15	20	25	30	Эрүүл мэндийн яам, Хөдөлмөр, нийгмийн хамгааллын яам, Жендэрийн үндэсний хороо	Төр, төрийн бус, аж ахуйн нэгж, байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилгот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
1.9	Үндэсний хэмжээний мэдээллийн системийг (E-MONGOLIA) ашиглаж эрэгтэйчүүдийн эрүүл мэндийн үзлэгт хамрагдах талаар болон эрүүл зан үйл, амьдралын зөв дадал хэвшлийн талаарх ойлголт, мэдлэгийг нэмэгдүүлэх мэдээ, мэдээллийг тогтмол түгээх	Мэдээллийн системээр тогтмол түгээсэн мэдээ, мэдээллийн тоо	0	16	4	8	12	16	Цахим хөгжил, харилцаа, холбооны яам	Эрүүл мэндийн яам
1.10	Эрэгтэйчүүдийн физиологи, бие бялдрын хувьд эрүүл, илүүдэл жингүй байх уриалга, арга хэмжээг үндэсний хэмжээнд зохион байгуулах	Зохион байгуулсан эсэх	0	1	0	1	1	1	Биеийн тамир, спортын улсын хороо, Нийгмийн эрүүл мэндийн үндэсний төв	Төр, төрийн бус, аж ахуйн нэгж, байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилгот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
1.11	ЕБС-ийн нийгмийн ажилтан (сэтгэл зүйч)-д хүйсийн онцлог хэрэгцээнд нийцсэн сэтгэл зүйн зөвлөгөө өгөх чадвар эзэмшүүлэх сургалтын хөтөлбөр бий болгох, хамруулах	Сургалтад хамрагдсан нийгмийн ажилтны хувь	0	50	20	30	40	50	Боловсрол, шинжлэх ухааны яам	Эрүүл мэндийн яам
1.12	Зүрх судас, артерийн даралт ихсэх өвчнөөс урьдчилан сэргийлэх зорилгоор 20 наснаас дээш насны эрэгтэйчүүдийг артерийн даралтаа хэмжих, хянахад хэвшүүлэх, "80/120" богино хугацааны нөлөөллийн аяныг тогтмол зохион байгуулах	Аймаг, дүүрэгт зохион байгуулагдах урьдчилан сэргийлэх мэдлэг олгох үйл ажиллагааны тоо	0	60	30	30	60	60	Эрүүл мэндийн яам, Нийгмийн эрүүл мэндийн үндэсний төв	Төр, төрийн бус, аж ахуйн нэгж, байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилгот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
1.13	Эрүүл мэндийн урьдчилан сэргийлэх үзлэгт гэр бүлээрээ, хамтдаа хамрагдах замаар эрүүл мэндийг дэмжигч гэр бүл санаачилгыг төлөвлөж, хэрэгжүүлэх	Эрүүл мэндийн урьдчилан сэргийлэх үзлэгт гэр бүлээрээ орсон өрхийн хувь	0	20	0	10	15	20	Хөдөлмөр, нийгмийн хамгааллын яам	Эрүүл мэндийн яам, Хүүхэд, гэр бүлийн хөгжил, хамгааллын ерөнхий газар, төрийн бус байгууллагууд
1.14	"Наслахын жаргалыг хамтдаа" зэрэг богино хугацааны нөлөөллийн арга хэмжээг засаг захиргааны анхан шатны нэгжийн түвшинд тогтмол зохион байгуулж, үр дүнг олон нийтэд таниулан сурталчлах	Нөлөөллийн арга хэмжээ зохион байгуулсан засаг захиргааны анхан шатны нэгжийн хувь	0	50	20	30	40	50	Хөдөлмөр, нийгмийн хамгааллын яам	Бүх шатны Засаг даргын тамгын газар, төрийн бус, аж ахуйн нэгж, олон улсын байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилготой түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
ЗОРИЛТ 2. ЭРҮҮЛ МЭНДИЙН УРЬДЧИЛАН СЭРГИЙЛЭХ ҮЗЛЭГТ ЭРЭГТЭЙЧҮҮДИЙН ХАМРАГДАЛТ, ОРОЛЦООГ ТОГТМОЛЖУУЛАХ										
2.	Эрүүл мэндийн урьдчилан сэргийлэх үзлэгт эрэгтэйчүүдийн хамрагдалт, оролцоог тогтмолжуулах	Үзлэгт хамрагдсан эрэгтэйчүүдийн хувь	30	70	35	45	55	70	Холбогдох төрийн байгууллагууд	Холбогдох төр, төрийн бус, аж ахуйн нэгж, байгууллагууд
2.1	Эрэгтэйчүүдийг эрүүл мэндийн урьдчилан сэргийлэх үзлэгт хамруулах, эрсдэлээс хамгаалах, хариу арга хэмжээний талаарх мэдээллийг жилд 4-өөс доошгүй удаа түгээх, эрүүл зан үйл, амьдралын зөв дадал хэвшил бий болгох чиглэлээр тогтмол аян өрнүүлэх	Аймаг, нийслэлийн түвшинд эрэгтэйчүүдийг эрүүл мэндийн урьдчилан сэргийлэх үзлэгт хамруулсан хувь	30	70	35	45	55	70	Бүх шатны Засаг даргын Тамгын газар	Эрүүл мэндийн яам

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилготой түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
2.2	0-17 хүртэлх насны хөвгүүдийг эцэг, эх, асран хамгаалагч, харгалзан дэмжигчийн хяналтын дор эрүүл мэндийн урьдчилан сэргийлэх үзлэгт жилд 1-ээс доошгүй удаа хамруулах	Эрүүл мэндийн урьдчилан сэргийлэх үзлэгт хамрагдсан хөвгүүдийн хувь	30	100	30	60	90	100	Бүх шатны Засаг даргын Тамгын газар	Эрүүл мэндийн яам
2.3	Их, дээд сургууль, МСҮТ, коллежид суралцаж буй эрэгтэй оюутныг эрүүл мэндийн урьдчилан сэргийлэх үзлэгт хичээлийн жилд 1-ээс доошгүй удаа хамруулах	Эрүүл мэндийн урьдчилан сэргийлэх үзлэгт хамрагдсан эрэгтэй оюутан, сурагчдын хувь	20	100	40	60	80	100	Боловсрол, шинжлэх ухааны яам	Эрүүл мэндийн яам

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
2.4	Малчны хотонд хүрч, малчин эрэгтэйчүүдийг эрүүл мэндийн урьдчилан сэргийлэх үзлэг, шинжилгээнд хамруулах боломжийг бүрдүүлэх (жилд 1-ээс доошгүй удаа)	Эрүүл мэндийн үзлэгт хамрагдсан малчин эрэгтэйчүүдийн хувь	30	70	30	50	60	70	Бүх шатны Засаг даргын Тамгын газар	Эрүүл мэндийн яам
2.5	Нийгмийн зорилтот бүлгийн болон халамж үйлчилгээ нэн шаардлагатай (ахмад настан, тусгай хэрэгцээт, орон гэргүй, архины хамааралтай) эрэгтэйчүүдийг эрүүл мэндийн урьдчилан сэргийлэх үзлэгт жилд 1-ээс доошгүй удаа хамруулах	Эрүүл мэндийн урьдчилан сэргийлэх үзлэгт хамрагдсан нийгмийн зорилтот бүлгийн эрэгтэйчүүдийн хувь	0	50	15	35	45	50	Хөдөлмөр, нийгмийн хамгааллын яам	Эрүүл мэндийн яам, төрийн бус байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилгот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
2.6	Төрийн цэргийн болон тусгай чиг үүрэг бүхий байгууллага, уул уурхай, барилга, зам тээврийн зэрэг үйл ажиллагааны онцлогоос хамааран эрэгтэйчүүд олноор ажилладаг байгууллагын эрэгтэйчүүдийн эрүүл мэндийн урьдчилан сэргийлэх үзлэгийг жилд 2-оос доошгүй удаа зохион байгуулах	Салбар бүрээр эрүүл мэндийн урьдчилан сэргийлэх үзлэгт хамрагдсан хувь	30	100	30	60	90	100	Холбогдох яам, агентлагууд	Эрүүл мэндийн яам
2.7	Аймаг, дүүргийн нэгдсэн эмнэлэг, эрүүл мэндийн төвд эрэгтэйчүүдийн кабинет /андрологи/ байгуулах, хүний нөөц, тоног төхөөрөмж, эмнэлгийн хэрэгслээр хангах	Үйл ажиллагаа нь бүрэн тогтворжсон кабинетын хувь, /андрологи/	77	100	77	87	97	100	Бүх шатны Засаг даргын Тамгын газар	Эрүүл мэндийн яам

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилгот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
2.8	Урьдчилан сэргийлэх үзлэгт хамрагдах зардлыг эрүүл мэндийн даатгалын сангаас шийдвэрлэх бололцоог бүрдүүлж хэвшүүлэх	Эрүүл мэндийн даатгалаар урьдчилан сэргийлэх үзлэгт хамрагдсан эрэгтэйчүүдийн хувь	0	50	10	20	40	50	Эрүүл мэндийн яам, Эрүүл мэндийн даатгалын ерөнхий газар	Сангийн яам
2.9	Халдварт бус өвчлөл, нас баралтаас урьдчилан сэргийлэх үйл ажиллагаанд нийгмийн эрүүл мэндийн ажилтнууд, сайн дурын ажилтныг чадавхжуулах замаар эрүүл мэндийн үйлчилгээний хүртээмжийг нэмэгдүүлэх	Чадавхжуулах үйл ажиллагаанд хамрагдсан нийгмийн эрүүл мэндийн ажилтан, сайн дурын ажилтны хувь	0	30	5	10	20	30	Бүх шатны Засаг даргын Тамгын газар	Эрүүл мэндийн яам, олон улсын байгууллага

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
2.10	Эрүүл мэндийн урьдчилан сэргийлэх үзлэгт хамрагдах үйл ажиллагааг таниулан сурталчлах, дэвшилтэд технологи (Апп болон чатбот) ашиглан нөлөөллийн арга хэмжээ зохион байгуулах	Тогтмол зохион байгуулж буй арга хэмжээний тоо	0	16	4	8	12	16	Бүх шатны Засаг даргын Тамгын газар, Нийгмийн эрүүл мэндийн үндэсний төв	Төрийн, төрийн бус, аж ахуй нэгж, олон улсын байгууллагууд
ЗОРИЛТ 3. ЗАМ ТЭЭВРИЙН ОСЛЫГ БУУРУУЛАХ, УРЬДЧИЛАН СЭРГИЙЛЭХ, ХОЛБОГДОХ ХУУЛЬ ТОГТООМЖИЙН ХЭРЭГЖИЛТИЙГ САЙЖРУУЛАХ ЗАМААР ЭРЭГТЭЙЧҮҮДИЙН ОСОЛ ГЭМТЭЛ, ЗУУРДЫН НАС БАРАЛТЫГ БУУРУУЛАХ										
3.	Зам тээврийн ослыг бууруулах, урьдчилан сэргийлэх, холбогдох хууль тогтоомжийн хэрэгжилтийг сайжруулах замаар эрэгтэйчүүдийн осол гэмтэл, зуурдын нас баралтыг бууруулах	Эрэгтэйчүүдийн нас баралтын зонхилох шалтгаан, осол гэмтэл, зуурдын нас баралтын нийт нас баралтад эзлэх хувь	25	21	24	23	22	21	Холбогдох төрийн байгууллагууд	Холбогдох төр, төрийн бус, аж ахуйн нэгж, байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Сурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
3.1	Олон улсын болон улсын чанартай авто замын стандартыг мөрдүүлэх, замын засвар үйлчилгээг цаг хугацаанд нь хийж гүйцэтгэх, олон нийтийг мэдээллээр хангах	Одоогийн түвшнийг тодорхойлж стандартыг мөрдүүлсэн эсэх	0	1	0	0	1	1	Зам, тээврийн хөгжлийн яам	Цагдаагийн ерөнхий газар
3.2	Авто замын дагуу камерын хяналтын системээр тээврийн хэрэгслийн хурд, бусад зөрчлийг хянах мэдээллийн нэгдсэн системийн программ, техник хангамжийн хөгжүүлэлтийг хийж нэвтрүүлэх	Нэгдсэн систем хөгжүүлж эхлүүлсэн эсэх	0	1	0	0	1	1	Хууль зүй, дотоод хэргийн яам, Цахим хөгжил, харилцаа холбооны яам	Бүх шатны Засаг даргын Тамгын газар

Д/д	Хэрэгжүүлэх үйл ажиллагааны нэр	Шалгуур үзүүлэлт	Сурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
3.3	Автомашин, мотоцикл, орчин цагийн моторт тээврийн хэрэгсэл (цахилгаан унадаг дугуй, скүүтер, мопед)-ийг жолоодох мэргэшил эзэмшүүлэх, эрх олгох сургалт, шалгалт, хяналтын одоогийн зохицуулалтад эрх зүйн болон үйл ажиллагааны шинэчлэлт хийх	Эрх зүйн шинэчлэл хийсэн эсэх	0	1	0	1	1	1	Хууль зүй, дотоод хэргийн яам, Цахим хөгжил, харилцаа холбооны яам	Зам, тээврийн хөгжлийн яам, Цагдаагийн ерөнхий газар

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилгот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
3.4	Малчин эрэгтэйчүүдийн ашиглаж буй стандартын бус мотоциклын хэрэглээг багасгах, түүнээс шалтгаалсан ослыг бууруулах чиглэлээр холбогдох арга хэмжээг тогтмол зохион байгуулах	Мотоциклын ослоос шалтгаалсан нас баралтын хувь	10	6	9	8	7	6	Цагдаагийн ерөнхий газар	Бүх шатны Засаг даргын Тамгын газар, Соёлын яам, Хүнс, хөдөө аж ахуй, хөнгөн үйлдвэрийн яам, Гэмтэл, согог судлалын үндэсний төв
3.5	Эрэгтэйчүүдийн нас, эрхэлж буй ажил, салбарын онцлог, амьдарч буй байршил зэргийг харгалзсан зам тээврийн осол, эрсдэлээс урьдчилан сэргийлэх мэдээллийг цахим орчинд жилд 4-өөс доошгүй удаа түгээж, холбогдох үйл ажиллагааг зохион байгуулах	Бэлтгэн түгээж, тогтмолжсон контентын тоо	0	16	4	8	12	16	Гэмт хэргээс урьдчилан сэргийлэх ажлыг зохицуулах зөвлөл, Цагдаагийн ерөнхий газар	Бүх шатны Засаг даргын Тамгын газар, төрийн бус байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилготой түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
3.6	Амиа егүүтгэхээс урьдчилан сэргийлэх зорилгоор 24 цагийн утсаар зөвлөгөө, мэдээлэл өгөх тусламж үйлчилгээг нэвтрүүлэх	Тусламж үйлчилгээг нэвтрүүлсэн эсэх	0	1	0	0	1	1	Гэмт хэргээс урьдчилан сэргийлэх ажлыг зохицуулах зөвлөл, Цагдаагийн ерөнхий газар	Төрийн бус, олон улсын байгууллагууд
3.7	Эрэгтэйчүүд олноор ажиллаж буй төрийн тусгай чиг үүргийн болон дэд бүтцийн салбарын байгууллагуудад хөдөлмөрийн аюулгүй байдал, эрүүл ахуйн стандартыг мөрдүүлэх, энэ талаарх мэдлэг ойлголтыг нэмэгдүүлэх үйл ажиллагааг тогтмол зохион байгуулах замаар үйлдвэрлэлийн ослыг бууруулах	Тухайн салбар бүрээр, үйлдвэрлэлийн ослоос шалтгаалсан нас баралтын хувь	100	50	100	85	65	50	Холбогдох яам, агентлагууд	Төрийн бус, аж ахуйн нэгж, байгууллагууд

Д/д	Хэрэгжүүлэх үйл ажиллагааны нэр	Шалгуур үзүүлэлт	Сурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
ЗОРИЛТ 4. ҮНДЭСНИЙ ХЭМЖЭЭНД ХҮЙСЭЭР АНГИЛСАН МЭДЭЭЛЛИЙГ ӨРГӨТГӨН САЙЖРУУЛАХ, ЖЕНДЭРИЙН ДҮН ШИНЖИЛГЭЭ ХИЙХ, ХӨГЖЛИЙН БОДЛОГОД ТУСГАХ ЗАМААР ОЛОН ТАЛТ ХАМТЫН АЖИЛЛАГААГ ДЭМЖИХ										
4.	Үндэсний хэмжээнд хүйсээр ангилсан мэдээллийг өргөтгөн сайжруулах, жендэрийн дүн шинжилгээ хийх, хөгжлийн бодлогод тусгах замаар олон талт хамтын ажиллагааг дэмжих	Иргэний нийгмийн байгууллага, төрийн бус байгууллагын дүнд эзлэх хувь	30	100	30	50	70	100	Холбогдох төрийн байгууллагууд	Холбогдох төр, төрийн бус, аж ахуйн нэгж, байгууллагууд
4.1	Үндэсний хэмжээнд хүйсээр ангилсан мэдээллийн санг өргөжүүлэх, тогтвортой, хүртээмжтэй байдлаар нийтийн хүртээл болгох	Хүйсээр ангилсан өгөгдөл, мэдээллийн нэгдсэн сангийн баяжилтын хувь	25	80	45	65	75	80	Үндэсний статистикийн хороо, Жендэрийн үндэсний хороо	Төрийн захиргааны төв болон төрийн захиргааны байгууллага, аж ахуйн нэгж байгууллага

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
4.2	Суурь судалгаа болон нас баралтын шалтгааны судалгааг явуулж, гүнзгийрүүлсэн дүн шинжилгээ хийх, нийтийн хүртээл болгох	Судалгааны тоо	1	4	1	2	3	4	Жендэрийн үндэсний хороо	Батлан хамгаалах яам, Эрүүл мэндийн яам, олон улсын байгууллага
4.3	Жендэрийн мэдрэмжтэй ажлын байрыг хөгжүүлэх бодлогыг үндэсний түвшинд сурталчлах, хэрэгжилтийг хангасан хуулийн этгээдийг урамшуулах, сайн туршлагыг түгээх	Жендэрийн мэдрэмжтэй ажлын байрыг хэрэгжүүлсэн хуулийн этгээд, байгууллагын дүнд эзлэх хувь	0	30	0	10	20	30	Жендэрийн үндэсний хороо	Хөдөлмөр, нийгмийн хамгааллын яам, Монголын үндэсний худалдаа, аж үйлдвэрийн танхим, Ажил олгогч эздийн нэгдсэн холбоо, Монголын үйлдвэрчний эвлэл

Д/д	Хэрэгжүүлэх үйл ажиллагааны нэр	Шалгуур үзүүлэлт	Суурь түвшин	Зорилтот түвшин	2024	2025	2026	2027	Хэрэгжилтийг хариуцсан байгууллага	Хамтран хэрэгжүүлэх байгууллага
4.4	Эрэгтэйчүүдийн оролцоог дэмжих чиглэлээр үйл ажиллагаа явуулдаг иргэний нийгмийн байгууллага, төрийн бус байгууллагуудыг дэмжих, хамтран ажиллах	Аймаг, дүүрэгт иргэний нийгмийн байгууллага, төрийн бус байгууллагын дүнд эзлэх хувь	30	100	30	50	70	100	Бүх яам, Жендэрийн үндэсний хороо	Бүх шатны Засаг даргын Тамгын газар, олон улсын байгууллага
4.5	Хугацаат цэргийн албанд татагдаж буй эрэгтэйчүүдийн эрүүл мэндийн үзлэгийн мэдээлэлд тулгуурлан цэргийн насны залуучуудын эрүүл мэндэд тулгамдаж байгаа асуудлаар судалгаа зохион байгуулах	Судалгаа зохион байгуулсан эсэх	0	1	0	1	1	1	Батлан хамгаалах яам, Эрүүл мэндийн яам	Төрийн бус, олон улсын байгууллага

--oOo--